

## 明心語錄 卷玖 (下)

吳文進 常務理事

其四

聰明者戒太察，剛強者戒大暴，溫良者戒無斷。古人云：當斷不斷，反受其亂也。

其五

形而上者謂之道，形而下者謂之器，化而裁之謂之變，推而行之謂之通，舉而措之天下之民謂之事業也。

其六

天下之勢，以漸而成。天下之事，以積而固。居安慮危，處治思亂。上士閉心，中士閉口，下士閉門。三思而後行也。

其七

竭忠盡孝謂之人，治國經邦謂之學，安危定變謂之才，經天緯地謂之文，霽月光風謂之度，萬物一體謂之仁。

其八

以聖賢之道教人易，以聖賢之道治己難。  
以聖賢之道出口易，以聖賢之道躬行難。  
以聖賢之道奮始易，以聖賢之道克終難。

其九

何謂至行，曰庸行。何謂大人，曰小心。  
何謂上達，曰下學。何謂以遠到，曰近思也。

其十

不必而言謂之多言，多言招尤。  
不當而言謂之盲言，盲言賈禍。  
閉口深藏話，安身處處牢。

歲在壬辰年臘月初四日吳文進筆 2013.01.15